



CHANSON NEVEZ

Composet etre daou den yaouank

Var sujet eun dimezi)

Didostaït kos a yaouank, tostaït da glevet
 Eur chanson nevez er bloas-ma komposet⁸⁷
 Pehini a zo gret etre daou zen yaouank⁸⁷
 Var sujet ar réson hervez ho santimant.

Eur zadorn d'abardaez pa oa debret he goan,
 Mont a ra Loïs Flourin da velet Anaïc Vian
 En ti pa erruas : Bonsoir, 'n deus lavaret :
 A salud dec'h, den yaouank pa z'oc'h en em gavet.

Digant e zad, e mam, pan deus he goulennet
 Mechans emezan noun ket da veza refuset
 Ho nan sur den yaouank, n'oc'h ket da vea refuset
 Pa peus goulennet ar verc'h dec'hui e vo roet.

Neuze Anaïc Vian, oa e kornik en tan
 Ober a ra mous c'hoarzin eus outhi he unan
 Hag e zao Anaïc Vian divar korn an oaled,
 Vit kerc'hat ar voutail hag ive ar veren.

Didostaït den yaouank da eva eur banne,
 Ma rentfomp ar yec'het an eil d'eguile,
 Neuze e lavar : trinkomp kompagnunez
 Rag ar c'henta iec'het zo evit va mestres.

D'Anaïc Vian ha d'an dud zo en ti,
D'he zad d'he mam, dezhi, ive da pepini.
Echu ar gosaden, poaënt è n'em brepari
Da vont ho daou assambles 'bars ar memes ti

Ar sadorn varlec'h e c'heont assambles
Da vourg bras ar Faou da brenat dillet nevez
Cete breman emezhan an dillajou prenet
Mes allas lavaromp n'en diu ket c'hoas paet.

D'ar plac'h a zo prenet eur voalen, eur losten,
Eun tavancher sei du, neuze eur gravaten
D'an den yaouank zo prenet bragou ha jiletan
Deus danvez ar vesten a den he justinen.

Goude e c'heont ho daou da stailou ar c'his nevez,
Da choas eur voalen arc'hant d'Anaïc he vestrez
Evit choas dezhi neuze ar voalen arc'hant,
Da rei deis an euret eus tol ar zakramant.

Erruet ra an de da staga an embannou,
Ebars an ti kômmun a c'houlenner arc'hant
Ar pla'h pa n'he deus ket e renk ober jestroù
Sina pemzek kant skoet ha pa ne ve kontant.

Ha deus a bemzek kant tisken da bevarzek
Deus a bevarzek e couezont da zaouzek
Bars ar fin ar plac'h ne chom ganthi netra
Nemet eur c'hos tol, diou skudel ha diou loa.

Lois Flourin lavar n'eus ket ezom onnès
Pa n'he doa ket a arc'hant da veska gant here
Vel ma velan den yaouank e mout 'o klask merc'het
Ho deus kals a arc'hant dagonta etre da viziet.

Nan ne zimezin ket, nan da vaouez ebet
Nemet bea e defe en tout bemzek kant skoet
Te a velan den yaouank a zo guel direzon
Rag me a dal atao keit a te va mignon.

N'oun ket pe seurt maouez dide e vefe mad
Rag te a zo rebras kribellou da zaoulagat.
Merc'het avouac'h a gavanervez va santimant
Mes petra servich din pan n'ho deus ket arc'hant

Arabat è dit senjal ar mer'het a zo sod,
Da vont da danva patates zo sallet gant dour-iod,
Mes beza e peus ganet c'hoas eun tamik plac'hick
Hag a zo deus da affer evit eur pennadik.

Mad avoualc'h e zè din demeure va zantimant
Mes allas, emezhan, pa ne deus ket a arc'hant ;
Pe c'hoas emezi merc'h Perros an Huel,
Zo savet d'an treach gant ar Menez-Huel.

Ha da pehini emezi ho peus feurmet
Rag etre edaouaen dezhi ho peus e laket
Cetu deut ar plac'hik da velet ar mobilier.
Goude e oa kaset da velet ar parqueier.

Pa erruas en ti, pa na velas netra
Nemet eur c'hos tol goz, teir skudel ha teir loa
Daou vele oa en ti unan bep tu d'an tan
Linseryou varnezho oan ket eus ar re voan.

Al linseryou dra-sur oant ket eus ar re fin
N'eur vont en ho zoues, kigner pennou an daoulin.
Ebare ar c'hraou e zeus eur c'hazek a villur
Eus ounès marteze rañs kentoc'h fortun.

An hini deus gret ar zon zo eur spered dister
Zo ganet ha maguet e paros Sant-Salver
Mag en deus e c'homposet 'vit n'em divertissa
En eur divoal ar zaout 'vit ampech ar c'houkad.



(Propriété de l'Editeur)



CHANSON NEVEZ

Composet var sujet eun den yaouank



Didostañ oll tud yaouank, didostañ me ho ped
Deut da selaou eur vuez zo ganen erruet,
M'oa nemet pemp bloas anter pa oa maro va zad
Mes an dra-ze ra din-me, kalz eus a galonad.

Ha guelec va mam guez zo chomet intañvez
Me zo eur minor yaouank zo tolet a gostez
Kreis ar brassa kontantamant a va flijadurez
Ma zon tollet adare bars en dristidigues.

Ne oan nemet eis bloas anter pa oan bet kommanset.
Da ober eur seurt micher henvel ma meus bet gred,
Hagepad c'houec'h bloas anter c'hober eur seurt micher
A c'hoas ne meus ket galled be zeski en ober.

Neuze pa oan erruet d'an oad a pemzek bloas
Kredit me a moa glac'har hag ive kals anken
Ia, me am boa glac'har certain kals glac'har bras.
Oll tud yaouank va bro, n'ho peus nemet kompren.

Neuze pa oan me deut en oad a c'houezek bloas,
Lavaren kenavo d'am bro gant kals ha galonad
Kenavo lavaren da gleier bras va bro
Ha d'am c'hamaradet a zo tout divar dro.

Kenavo-ta kleier bras va bro me c'ha en beachou
Breman n'ho klevin mui, o son ar gousperou
Pere ho deus roet diñ an honor kenta
O son va badiziant en eur dont er bed-man.

Kenavo guered va bro, o douar beniguet
A c'holo hon tadou gant Doue bet galvet ;
Deis gouel an anaoun deuin va ho peziou
Da skuilla dour beniguet hag ober va c'hlanvou.

Pa oan-me erruet d'an oad a seitek bloas
Kredit me a moa chagrin, ha memes chagrin vras
ken a garien biken vizenz deut var an douar
Keit a ma vezin varnhezad ne mo nemet glac'har.

Pa vijen-me bet maro devez va badiziant
Ne miije var an douar na chagrin na tourmant
Me zo eur minor yaouank zo dilezet vit n'ad
re mais e brassa plijadur, tolet en eur seurt stad.

N'eur guelel e zoun taolet en eur stad ken truezus,
Me a zo var an douar eur minor maleureus,
Ho guelel ar guel deodou o tond betek ya zi
Gant eun ton ken koleret vit va diskonsoli.

Vit kreski din va glac'har hag ive va anken
Da goll va reputation var an douar eternal,
Pa oe ganèn va trivac'h bloas tremenet
Eteuen da sonjal er poanniou, m'oa bet.

Pa deuen da sonjal em foanniou, em miser
Meus bet gant va mam pa oan me er guer,
Kredit an dra-ze zo eur guel d'ristigues
Galoupad an hentchou ken alies a bemdes.

Fas an eil guer d'eben, an eil ti d'eguile,
Ken alies a bemdes ho c'hounit va buez
Me zo eur minor yaouank hag a zo dilezet
Ne zeus den var an douar ganen-me interesset.

Guelel hon dilezet gant va oll guerent
Guelloc'h e zon intended gant an dud a estren
Guelel lod eus va breudeur a zo ken mad disket
Me zo eur minor yaouank a zo ankouac'het.

Ho ma ouichen-me lenn, bet disket din skriva
Viche va flijadur ho tremen ar bed-ma
Breman nemeus er bed nemet chagrin a miser
E c'hallan el lavaret abaoue ma zon ganet.

Ha n'ho peus c'hoant da glevet hano ar c'homposer.
E zeo Herve Boniou, ganet e Sant-Salver
Er bloavez mil eis kant trizek a pèvar ugent
D'an nao var-n-uguent a vis guenver 'vit rei da entent.



Propriété de l'éditeur